

ՀԱՅՅԵՐԻ ՀԱՍԱՐԱԿԱԿԱՆ-ՔԱՂԱՔԱԿԱՆ ԿՅԱՆՔԸ
ԱՆԴՐԱԿԱՍՊՅԱՆ ԵՐԿՐԱՄԱՍՈՒՄ (1881—1917)

ՎԼԱԴԻՄԻՐ ԳՐԻԳՈՐՅԱՆ

1881—1917 թթ. ժամանակաշրջանը բնութագրական է Անդրկասպյան երկրամաս բուրժուական հասարակական հարաբերությունների ներթափանցմամբ։ Դրա արդյունքը եղավ երկրամասում սոցիալ-տնտեսական և հասարակական-քաղաքական կյանքի յուրօրինակ կենտրոնների՝ եկվոր բնակչությամբ քաղաքների առաջացումը, որոնց հետ հաղորդակցվելով, տեղական թուրքմեն բնակչությունը ծանոթանում էր ռուս, հայ, պարսիկ,աղրբեջական և մյուս ժողովուրդների ազգային կուլտուրաներին և աստիճանաբար ներգրավվում իր համար նոր հասարակական կյանքի ուղի։ Այդ քաղաքներից մի քանիսը (Ասխաբադ, Մերվ, Կիզիլ-Արվատ, Կրասնոպոդսկ) շուտով աճեցին և դարձան բավականին խոշոր։ Դրանց ռուս բնակչությունը հիմնականում բաղկացած էր զինվորական և քաղաքացիական աղմինիստրացիայի ներկայացուցիչներից, մտավորականությունից, պարսկականը՝ առևտրականներից և սեագործ բանվորներից, հայկականը՝ առևտրականներից, արդյունաբերողներից, արհեստավորներից, բանվորներից և որոշ թվով մտավորականության ներկայացուցիչներից։ Հարկ է նկատել, որ ընայած «ալլազգիների» նկատմամբ ցարական իշխանությունների ընդհանուր առմամբ բացասական վերաբերմունքին, երկրամասի հայության իրավական դրությունը, այնուամենայնիվ, բնակչության ոչ ռուս ազգային խմբերից գերադասելի էր Ծնորհիվ տնտեսական, քաղաքական, կրոնական և հոգևոր այլ ձգտումներով ռուս բնակչության հետ ունեցած հայտնի մոտիկությանը, ինչպես նաև արևելյան ժողովուրդների միջավայրում կյանքի բազմադարյան փորձին, նրանց լեզուների ու բարձր իմացությանը, հայկական բնակչությունը սկսեց կապուղ օղակի դեր կատարել տեղի ռուս և մահմեդական բնակչության միջև։ Բացի այդ, ոչ քրիստոնյա անձնավորությունների տնտեսական գործունեության հայտնի սահմանափակումները, հաստատված «Թուրքեստանյան երկրամասի կառավարման մասին» կանոնադրությանը, հայկական բնակչության համար այդ առումով նշանակալի արտոնություններ էին ստեղծում, որ չէր կարող չանդադառնալ նրա իրավական դրության վրա։ Արդեն երկրամասում իրենց բնակվելու ամենավաղ տարիներին հայ բնակիչները սկսեցին համառորեն ձգտել իրենց ազգային կյանքի կոորդինացմանը։ Միմյանցից լեզվական, ազգային, կրոնական և այլ տարբերություններով անջատված բնակչության կառավարման անհրաժեշտությունը վարչությանը ստիպում էր թույլատրել այսպես կոչված «ազգային ընկերությունների» կազմակերպումը։ Այդ ընկերությունների գլուխ կանգնած էին «ավազները», որոնք սովորաբար ընտրվում էին երեքամյա ժամկետով։ Ավազի թեկնածությունը ստանում էր վարչության նախնական հավանությունը։ Ազգային փոքրամասնություններից այդ ներկայացուցիչներին իշխանությունները ներգրավում էին քաղաքային տնտեսության ղեկավարման, կրթության և բժշկական օգնության զարգացման, հանցագործությունների նվազեցման, բարեգործական գործունեության և այլ հարցերին աջակցելու գործում։ Որպես կանոն, ավազ էին ընտրվում ռուսերենին տիրապետող ունեւոր և հայտնի մարդիկ։ Տարբեր ժամանակներում հայկական ընկերության ավազներ են եղել Ասխաբադում՝ Ա. Տեր-Սարկիսովը, Ա. Ազագովը, Մերվում՝ Ասծատուրովը, Գ. Ասադովը, Կիզիլ-Արվատում՝ Ա. Գրիգորյանցը, Կուշկայում՝ Ա. Իշխանովը,

Բախտորդենում՝ Ա. Ակոպովը և շատ ուրիշներ¹։ Եթե ավագի գործողություններն ինչ-որ կերպ հակասում էին իշխանությունների շահերին, ապա նրա հետ քիչ էին հաշվի նստում։ Այսպես, 1905 թ. մայիսի վերջին, «Ասխաբադ» թերթի հաղորդման համաձայն, հայկական ընկերության ավագը՝ քաղաքի «առաջին տնատերն ու վաճառականը», որը հանդգնել էր վարչության առաջ պաշտպանել մի հայկական ընտանիքի, «փողոցային լուտանքով» վռնվել է, իսկ հետո ենթարկվել տնային կալանքի²։ Ժամանակի ընթացքում ցարական իշխանությունները որոշեցին ընդհանրապես վերացնել մի քանի ազգային փոքրամասնությունների պաշտոնական ներկայացուցչությունը, ինչի մասին 1909 թ. մայիսին կարգադրություն արեց Անդրկասպյան մարզի նոր պետ գեներալ-լեյտենանտ Սմրեկնովը³։

Անդրկասպիայի հայերի կյանքում նկատելի դեր էր խաղում հայկական եկեղեցին։ Գործելով տեղի հայկական վերնախավի հետ ձեռք-ձեռքի տված, այն կատիվորեն խառնվում էր մարզի հայ բնակչության կյանքի բոլոր ոլորտներին։ Ժամանակավոր առաջին հայկական եկեղեցիները Նիմեզիցին արդեն XIX դ. 80-ական թվականներին՝ Ասխաբադում, Կիզիլ-Արվատում և Մերվում⁴։ Տեղական իշխանությունները հայ-գրիգորյան եկեղեցին համարելով ցարական ռեժիմին ընդդիմադիր ուժ, ամեն տեսակի խոչընդոտներ էին հարուցում մարդում հայկական եկեղեցիների կառուցմանը։ Դա արտացոլվել է 1890-ական թվականների սկզբին նրանց ձեռնարկած համարյա տասնամյա դատավեճում՝ Ասխաբադում, Կիզիլ-Արվատում և Մերվում հայկական մըշտական եկեղեցիների կառուցման համար հողամասեր հատկացնելու շուրջ։ «Փոխանակ խրատելու հնազանդություն և, ամենից առաջ, հնազանդություն օրենքներին ու իշխանությունների կարգադրություններին...», — 1891 թ. ներքին գործերի մինիստրությանը գրում էր մարզի պետ Կուրոպատկինը, — հայ հոգևորականությունն ինքն է անհնազանդության օրինակներ ցույց տալիս։ Այդ առումով օրինակ են ցույց տալիս նույնիսկ էջմիածնի Սինդդի անդամները։ Նրանցից երկուսը, ինչպես ինձ հայտնի է, հենց այդպիսի գործունեության համար են զրկվել իրենց բարձր կոչումից և արտաքսվել Կովկասից»⁵։ Տեղի հայկական եկեղեցու և Անդրկովկասի կապերը սահմանափակելու նպատակով Կուրոպատկինը ձգտում էր հասնել այն բանին, որպեսզի Շամախիի հոգևոր թեմի տնօրինությունից Անդրկասպյան ծխերը հանվեն և հանձնվեն Աստրախանի հոգևոր թեմի տնօրինությանը։ 1899 թ. Շամախիի հոգևոր թեմի կողմից «Անդրկասպյան մարզի և Թուրքեստանյան երկրամասի գործակալ» նշանակված հոգևորական Տեք-Ոսկանովին մարզի վարչությունը սխտեմատիկաբար մանրախնդիր և անհիմն պահանջներ էր ներկայացնում։ Ի վերջո նա ընդհանրապես աքսորվեց մարզի սահմաններից։ Մարզի պետը հատկապես դեմ էր եկեղեցական-ծխական դպրոցներ բացելու մասին հայ հոգևորականության ունեցած իրավունքին⁶։ Չնայած դրան, հայկական ժամանակավոր եկեղեցիներն աստիճանաբար փոխարինվում էին մշտականներով, իսկ դրանց կից ստեղծված եկեղեցական ծխական դպրոցները՝ ուսումնարաններով։ 1910 թ. մարդում մշտապես գործող հայկական դպրոցներ կային Ասխաբադում, Կիզիլ-Արվատում, Մերվում, Կրասնովոդսկում և Թեքենում։ XX դ. երկրորդ տասնամյակի

¹ Թուրքմենական ՍՍՀ պետական կենտրոնական արխիվ (այսուհետև ԹՍՍՀ ՊԿԱ), ֆ. Ի-1, ց. 2, գ. 580, թ. 3, գ. 254, թ. 253—255, գ. 3876, թ. 2, գ. 2688, թ. 60, գ. 3898, թ. 100, գ. 14458, թ. 199 և այլն, գ. 3868, թ. 161, գ. 3890, թ. 170, 257, գ. 3937, թ. 8, գ. 3973, թ. 3 հալ։

² «Асхабад», 29. V. 1905, с. 2—3.

³ ԹՍՍՀ ՊԿԱ, ֆ. Ի-1, ց. 2, գ. 3979, թ. 115—115 հալ։

⁴ Նույն տեղում, թ. 4265, թ. 10—10 հալ., գ. 6719, թ. 5—6, գ. 7124, թ. 24, 25, գ. 4285, 4226, 2718։

⁵ Նույն տեղում, գ. 2718, թ. 22։

⁶ Նույն տեղում, թ. 1—23, գ. 2688, թ. 30, 31, 38, 60 և այլն, գ. 4236, թ. 13—14, գ. 10421, թ. 72, գ. 7238, թ. 3։

սկզբին Մերվի հայկական եկեղեցական-ծխական ուսումնարանում սովորում էին 63 տղա և 54 աղջիկ, Կրասնովոդսկի հայկական եկեղեցական-ծխական ուսումնարանում 1911 թ. կար 93 սովորող, իսկ Ասխաբադի հայկական եկեղեցական-ծխական ուսումնարանում, 1914 թ. տվյալներով, սովորում էր 220 երեխա: Բացի այդ, Լուսիկ Մկրտչյանի մասնավոր դպրոցում սովորում էին 14 տղա և 17 աղջիկ⁷, Հայկական եկեղեցին հայ ժողովրդի ունեւոր խավերի շահերի արտահայտիչն էր և սերտորեն կապված էր հայկական առևտրաարդյունաբերական բուրժուազիայի հետ: Մյուս կողմից, անցյալ դարի վերջին քառորդին, ընկնելով կառավարական բռնությունների ցանցի մեջ, որոնք ուղղված էին ոչ միայն եկեղեցու, այլև ամբողջ հայ ժողովրդի դեմ, հայկական եկեղեցին սկսեց էական մասնակցություն ունենալ հակաինքնակալական շարժմանը: Եկեղեցին նշանակալի դեր էր խաղում հայկական դպրոցի պահպանման և զարգացման գործում:

Անդրկասպիայի հայերի ազգային կյանքում նշանակալից դեր էր խաղում XX դ. սկզբին Ասխաբադում Սուսաննա Մամիկոնյանի գլխավորությամբ ստեղծված «Հայ կանանց բարեգործական ընկերությունը», որը սկսեց գործել 1901 թ. փետրվարի 12-ին՝ մարզի պետ գեներալ Բոգոլյուբովի թույլտվությամբ: Նրա կարծիքով այն «տեղի ռուս և հայ հասարակության մերձեցման միջոց» կծառայեր: Թուրքեստանյան գեներալ-նահանգապետը, չբաժանելով այդ տեսակետը և վախճանալով, որ ընկերությունը պիտի հետապնդի իր ազգային նպատակները, կարգադրեց նրա նկատմամբ սահմանել խիստ ուշթուլացող հսկողություն և կանոնադրության առաջին իսկ խախտման դեպքում այն փակել⁸: «Հայ կանանց բարեգործական ընկերությունը» նյութական և դրամական բազմատեսակ օգնություն էր ցույց տալիս կարիքավոր հայ ընտանիքներին: Ընկերությունը հատկապես էական օգնություն էր ցույց տալիս քիչ ապահովված ընտանիքների երեխաներին: 1915 թ. այն ուներ 99 իսկական անդամ, պահում էր մանկապարտեզ ու անթաղիմանազիտ, որում սովորում էին 337 երկսեռ աշակերտներ: Ընդ որում, նրանցից 158-ը սովորում էր անվճար, իսկ 100-ը մուծում էր սահմանված ուսումնավարձի կեսը: Ընկերությունը կարիքավոր հայ ընտանիքներին նյութական և դրամական էական օգնություն ցույց տալով հետ մեկտեղ նրանց անվճար դեղեր էր տալիս, օգնում հայրենիք վերադառնալ ցանկացողներին: Ընկերության դրամական մուտքերի հիմնական աղբյուրն էին անդամավճարները, ունեւոր հայերի նվիրատվությունները, բարեգործական համերգները, ձեռագործների վաճառքը և այլն: Ընկերությունն ամեն տարի իր գործունեության մասին «հաշվետվություններ» էր հրապարակում, որոնք լույս էին տեսնում Ասխաբադում և Բաքվում՝ տպագրի առանձնատիպերով: Երկար տարիներ ընկերության անփոփոխ ղեկավարն էր Սուսաննա Մամիկոնյանը⁹: 1906 թ. «Հայ կանանց բարեգործական ընկերությունն» իր գործունեությունը սկսեց նաև Մերվում¹⁰:

Անդրկասպիայի հայերի մշակութային կյանքի հետաքրքիր երևույթներից էր XIX դ. 90-ական թվականներին մարզի խոշոր քաղաքներում հայկական սիրողական թատրոնի առաջացումը: Թատրոնի բեմում կարելի էր տեսնել հայերեն և ռուսերեն լեզուներով տրվող տարբեր պիեսների բեմադրություններ: Տեղական թերթերում հաղորդվում էր ներկայացումների նպատակների մասին, գնահատվում էր դերասանների խաղը: Անդրկովկասից Անդրկասպիա էին այցելում նաև հայ թատրոնական արվեստի գործիչներ, որոնց տեղի հայ բնակչությունը մեծ ջերմությամբ էր ընդունում: Այսպես, 1908 թ. մարտին Ասխաբադ եկավ

⁷ «Обзор Закаспийской области за 1911 г.», (далее—030) Асхабад, 1915, с. 94.

⁸ ԹՄՄՁ ՊԿԱ, ֆ. Ի-1, ց. 2, գ. 7454, թ. 4, 20, 123—133.

⁹ Նույն տեղում, թ. 85, 117—117 հափ., 123, գ. 7463, թ. 21—23 հափ., գ. 7478, թ. 35, 37, 70—72 հափ., թ. 77—79 հափ. և այլն, «Асхабад», 21. I. 1907, 29. I. 1908 և այլն:

¹⁰ ԹՄՄՁ ՊԿԱ, ֆ. Ի-1, ց. 2, գ. 7503, թ. 11—12 հափ.:

հայ դերասանների խումբը՝ հայտնի դերասան Հ. Աբելյանի ղեկավարությամբ¹¹։ Հիմնավորվելով Անդրկասպյան մարզում, հայ բնակչությանը պահպանեց հոգևոր կապը հայրենիքի, իր ժողովրդի հետ։ Ռուսական կայսրությունում և նրա սահմաններից դուրս հայ ժողովրդի ճակատագրին վերաբերող ամեն մի փոքր ինչ կարևոր երևույթ կենդանի արձագանք էր գտնում մարզի հայերի շրջանում։ XIX դ. 90-ական թվականներին Թուրքիայում հայերի հալածանքների ու կոտորածների պատճառով Անդրկովկաս անցան մեծ թվով արևմտահայ փախստականներ, նրանցից ոմանք տեղափոխվեցին Անդրկասպիա՝ Այսպես, օրինակ, 1897 թ. սկզբին Մերվում «լրտեսական գործունեություն» մեղադրանքով ձերբակալվեցին երեք հայեր, որոնք պարզապես արևմտահայ փախստականներ էին և այդտեղ էին եկել ապաստան գտնելու հույսով¹²։ Հայ բնակչության, Ռուսաստանի և մյուս երկրների առաջադեմ հասարակայնության արդարացի զայրույթի ճնշման տակ ցարական կառավարությունը ստիպված էր հաշվի նստել հայ փախստականների պրոբլեմի հետ։ 1897 թ. Անդրկասպիայում հրապարակվեց մարզի պետի հրամանը՝ «Թուրքիայից մեր սահմանները փախած հայերի վիճակը թեթևացնելու համար կայսրությունում ամենուր հանգանակությունների հավաքման» ցարի թույլտվություն մասին¹³։ 1898 թ. վերջին մարզի պետը հրամայեց ուշադրություն չդարձնել գրասենյակ ուղղված այն մատնագրին, ըստ որի Կիզիլ-Արվատի հայերը նյութական օգնություն էին ցույց տալիս Թուրքիայում հայերի պաշարին¹⁴։ 1909 թ. Թուրքիայից եկած 30 հազար հայ գաղթականների ռուսական կառավարությունը թույլատրեց բնակվել կայսրության սահմաններում¹⁵։

Մարզի հայ բնակչության հասարակական գործունեությունը չէր սահմանափակվում ազգային կյանքի շրջանակներով։ Անդրկասպիայի հայերն ակտիվորեն մասնակցում էին նաև ազգամիջյան հասարակական կապերի զարգացմանը։ Անդրկասպիայի քաղաքային կյանքի կարևորագույն առանձնահատկություններից մեկը լեզվի պրոբլեմն էր։ Լեզվական տարբերությունները բաժանում էին մարզի ռուս, թուրքմեն, պարսիկ, հայ և այլ բնակչությանը։ Այդ պայմաններում, հատկապես երկրամասը Ռուսաստանին միացնելու առաջին տասնամյակներին, ինչպես քաղաքների, այնպես էլ գյուղական վայրերի բնակչության հետ ռուսական վարչության հարաբերությունների միջնորդավորման ֆունկցիան հաճախ կատարում էին հայերը։ Ռուսերենին լավ տիրապետող անձնավորությունների թիվը հայերի մոտ ավելի էր, քան ոչ ռուս մյուս աղզերի մոտ։ Բացի այդ, հայերից շատերը գիտեին ֆարսերեն և աղբրեղաներեն, հասկանում էին թուրքմեներենը, որը նրանց հնարավորություն էր տալիս հանդես գալու թարգմանիչների դերում։ Առանձին հայեր ռուսական դորբերին կից թարգմանիչներ էին արդեն այն ժամանակ, երբ նրանք նոր էին մուտք գործում Թուրքմենիստան։ Նրանց այդ դերը պահպանվեց նաև հետագա տարիներին¹⁶։

1890 թ. Կուրուպատկինն ինքը խոստովանում էր, որ «ռազմաժողովրդական կառավարչության պաշտոնյաներին կից թարգմանիչները ևս գերազանցապես հայեր են»¹⁷։

¹¹ Նույն տեղում, գ. 7229, թ. 16—18 հալ., 50—52 հալ., 92, գ. 7265, թ. 1, «Асхабад», 30. IV. 1905, 1. III. 1908 և այլն։

¹² ԹՄՄՀ ՊԿԱ, ֆ. Ի-1, ց. 2, գ. 15993, թ. 1—24։

¹³ Նույն տեղում, գ. 3849, թ. 4։

¹⁴ Նույն տեղում, գ. 10556, թ. 3—5։

¹⁵ «Восточный вопрос во внешней политике России (конец XVIII—начало XX вв.)», М., 1978, с. 368.

¹⁶ ԹՄՄՀ ՊԿԱ, ֆ. Ի-1, ց. 2, գ. 3016, գ. 3231, թ. 12, գ. 3446, թ. 5, գ. 3868, թ. 148, գ. 5006, թ. 43 և այլն։

¹⁷ Նույն տեղում, գ. 7747, թ. 5։

Անդրկասպիայում պետական, ազգամիջյան շփումների միջոցի դեր կատարող ռուսերենի իմացությունն էսպես ընդլայնում էր ոչ ռուս սոցալոթիանը պատկանող վերաբնակչի սոցիալական հնարավորությունները։ Այդ իսկ պատճառով էլ հայ բնակչությունը համառորեն ձգտում էր ապահովել իր երեխաների համար ռուսերենի ուսուցումը։ Բացի այդ, տեղի հայկական դպրոցները, անտարակույս, չէին կարող ապահովել մարդի հայ բնակչության կրթության պահանջը։ Մարդում XIX դ. 80-ական թվականներին ստեղծված արդեն տառջին ռուսական դպրոցներում և ուսումնարաններում ոչ ռուս ազգությանը պատկանող երեխաների թվաքանակի համամատոթյամբ հայերի տոկոսն առավել բարձր էր¹⁸։ Մարդի բնակչությունը համառորեն ձգտում էր գործող ուսումնական հաստատությունների ընդլայնմանն ու նորերի բացմանը։ Բաղմաթիվ միջնորդագրերն ու խնդրագրերը, նվիրատվություններն ու դրամական հանգանակությունները վարչությանը ստիպեցին ժամանակի ընթացքում մարդի բոլոր խոշոր քաղաքներում բացել միջնակարգ ուսումնական հաստատություններ։ Դրանում նկատելի մասնակցություն ունեցավ նաև հայ բնակչությունը, մասնավորապես վաճառականությունը¹⁹, 1895 թ. Կուրդպատկինը, ռազմական մինիստրության առաջ միջնորդելով Ասխարազում ենթագիմնադրիա բացելու մասին, նշում էր, որ կրթության կարիք են զգում ոչ միայն զինվորականների և վարչական պաշտոնյաների, այլև տեղական վաճառականների ու արդյունաբերողների երեխաները²⁰։ 1904 թ. տվյալներով Ասխաբադի արական գիմնազիայում կրթվում էին 433 սովորողներ, որոնցից 242-ը ռուս էին, 118-ը՝ հայ, 24-ը՝ հրեա, 23-ը՝ պարսիկ և ադրեբջանցի, 14-ը՝ լեհ, 4-ը՝ վրացի, իսկ 8-ը՝ այլ ազգերի ներկայացուցիչներ։ Ասխաբադի իգական գիմնազիայում կրթվում էին 337 գիմնազիստուհիներ, որոնցից 316-ը ռուս էին, 48-ը՝ հայ, 17-ը՝ հրեա, իսկ 16-ը՝ այլ ազգերի ներկայացուցչուհիներ։ Մարդի 37 սկզբնական դպրոցներում (այդ թվում 10 ռուս-թուրքմենական դպրոցներում) այդ ժամանակ սովորում էին 1780 ռուս, 162 թուրքմեն, 119 հայ, 58 գերմանացի, 31 կիրգիզ, 16 հրեա, 10 լեհ, 1 վրացի և այլ ազգերի 12 երեխաներ²¹։

Ուսումնական հաստատություններ էին բացվում նաև մարդի մյուս քաղաքներում՝ Մերվում, Կրասնոդոսկում, Կիլիլ-Արվատում²², XX դ. երկրորդ տասնամյակի կեսերին Ասխաբադի արական գիմնազիայում կային 520 սովորողներ. ազբյուրներում նրանցից հիշատակված են 369 ռուս, 104 հայ, 24 հրեա և 23 մահմեդական։ Ասխաբադի իգական գիմնազիան ուներ 556 սովորող, որոնցից 434-ը ռուս էին, 85-ը՝ հայ, 29-ը՝ հրեա և 8-ը՝ մահմեդական։ 1914 թ. տվյալներով Ասխաբադի ստորին և սկզբնական դպրոցներում սովորում էին 1815 ռուս, 557 հայ և 265 մահմեդական երեխաներ²³, Ռուսական ուսումնական հաստատություններում հանդիպում էին հայ դասատուներ²⁴։

Անդրկասպիայում քաղաքային կյանքի արագ զարգացումը հանգեցնում էր տարբեր ընկերությունների առաջացմանը։ Բնույթով բուրժուական այդ ընկերությունները նպատակ ունեին զարգացնել կուլտուրան, լուսավորությունը, բարեգործական գործունեությունը և այլն։ 1889 թ. Ասխաբադում ձևավորվեց «Հասարակական ժողովը», որի կազմակերպմանը մասնակցեցին գլխավորապես հայ և ռուս բնակչության ներկայացուցիչները։ Հիմնադիրների մեջ էին հայտնի հայ տնտեսերի և վաճառականների Ն. Տեր-Մկրտիչը, Խ. Մնացականովը, Ռ. Կաշկաչը, Օ. Զեքեզովը, Ն. Ղուկասովը, Տեր-Սարկիսովը, Տեր-

18 Նույն տեղում, դ. 7124, թ. 4, 25—26, դ. 7150, թ. 1—4։

19 Նույն տեղում, դ. 7140, թ. 229, դ. 7227, թ. 1—5, դ. 7273, թ. 30 հալ., 79—80։

20 Նույն տեղում, դ. 7140, թ. 23, 33, 49, 247—250 և այլն։

21 «ОЗО за 1904 г», Асхабад, 1905, с. 171—176.

22 ԹՄՄՄ ՊԿԱ, ֆ. Ի-1, ց. 2, գ. 7404, թ. 50, 63, դ. 7273, թ. 1—15, 30, 79—80, դ. 7307, թ. 3—4, 5, 17—18, ֆ. 7294, ֆ. 1—3 և այլն։

23 Նույն տեղում, դ. 7835, թ. 691, դ. 2618, թ. 97 հալ., ֆ. Ի-116, ց. 1, դ. 32, թ. 7—8։

24 Նույն տեղում, ց. 1, թ. 1—19։

Ստեպանովը և ուրիշները «Հասարակական ժողովի» նպատակն էր թիր անդամներին ու նրանց ընտանիքներին հնարավորություն տալ աղատ ժամանակն անցկացնել հարմարավետ ու օգուտով: Այդ նպատակով կազմակերպվում էին սրարհանդեսներ, դիմակահանդեսներ, համերգներ ու ներկայացումներ, բաժանորդագրվում էին թերթեր, ամսագրեր ու ղրբեր. հրապարակային դասախոսություններ կարդալու համար հրավիրվում էին մասնագետներ²⁵: Ասխարադի «Հասարակական ժողովում» հաճախ կարելի էր դիտել հայկական գրական, երաժշտական-վոկալ դրամատիկ ներկայացումներ²⁶: Մարզի վարչության վկայությամբ, հետագա տարիներին «Հասարակական ժողովին» հայերի հաճախումներն ավելի են ուժեղացել: Մի փաստաթղթով տեղական ոստիկանական աստիճանավորն այդ «ժողովն» անվանել է հայկական, հենվելով այն բանի վրա, որ նրա անդամների մեծ մասը հայեր են²⁷:

Ասխարադի մի քանի հայտնի հայեր հանդիսանում էին ռուսական զինվորական և վարչական աստիճանավորների ստեղծած «Անդրկասպյան բարեգործական ընկերության» անդամներ: Ընկերությունը կրում էր փակ, արիստոկրատական բնույթ և ընդգրկում էր անձանց խիստ նեղ շրջանակ: 1896—1915 թթ. նրա անդամների քանակը 16-ից հասել էր 57 մարդու²⁸: Հայերը մասնակցում էին նաև մարզում կրթության և լուսավորության զարգացմանը նպաստող ընկերությունների ստեղծմանն ու գործունեությանը: Դրանցից էին «Աղքատ սովորողներին օգնող ընկերությունը» և «Առևտրական կրթության տարածման ընկերությունն» Ասխարադում, «Երաժշտական-դրամատիկական ընկերությունը» և «Միջնակարգ կրթության տարածման ընկերությունը» Կրասնովոդսկում, «Կրթության ընկերությունը» Կիզիլ-Արվատում և այլն: Հայ բնակչությունն ամբողջությամբ, ինչպես նաև առանձին անհատներ զգալի ջանքեր ներդրեցին գրադարանների, ընթերցարանների, «Ընթերցանություն սիրողների ընկերությունների» բացման գործում, աջակցում էին առողջապահության զարգացմանը²⁹:

Հայ բնակչության դերը հատկապես ակտիվ էր Անդրկասպիայում տարբեր տեսակի առևտրական ու առևտրաարդյունաբերական ընկերությունների կազմակերպման ու գործունեության մեջ: Այսպես, XIX դ. վերջին Մերվում հայ առևտրականների ամենակալով մասնակցությամբ ստեղծվեց Միջին Ասիայում առաջին «Մերվի փոխադարձ վարկի ընկերությունը»: Այդպիսի ընկերություն բացվեց նաև Ասխարադում: Հետագա տարիներին ևս այդ ընկերություններում հայ վաճառականների դերը միանգամայն էական էր: Օրինակ, 1916 թ. «Ասխարադի փոխադարձ վարկի ընկերության 250 անդամների 1/3-ը հայ էր: Ընկերության մեջ էին մտնում Տեր-Մկրտիչները, Հախնազարովները, Տեր-Ղուկասովը, Բ. Աթայանցը, Հախումովը, Տեր-Տերյանցը և այլ հայ վաճառականներ ու արդյունաբերողներ³⁰: 1915 թ. Ասխարադի մի շարք առևտրականներ՝ Բ. Աթայանցը, Ն. Տեր-Մկրտիչը, Ա. Ներսեսյանցը, Ա. Կևրկովը և ուրիշները մտան «Առևտրական կոմիտեի» հիմնադիր կազմի մեջ, որը, վարչության խոսքերով ասած, ձգտում էր «մոնոպոլացնել մարզում ներքին ու արտաքին առևտուրը»³¹:

Հայ վաճառականությունը մասնակցում էր նաև գյուղատնտեսության ու լորտում գործող ընկերությունների կազմակերպմանը և գործունեությանը:

²⁵ Նույն տեղում, ց. 2, գ. 5239, թ. 11:

²⁶ «ОЗО за 1890—1896 гг.», Асхабад, 1897 с. 528, «Асхабад», 19.VII. 1903, с. 1.

²⁷ ԹՄՄ ԳԿԱ, ֆ. Ի-1, ց. 2, գ. 3523, թ. 11, 16, 18:

²⁸ Նույն տեղում, գ. 7433, թ. 9—10, գ. 7487, թ. 57:

²⁹ Նույն տեղում, գ. 7422, թ. 2—7, գ. 7444, թ. 5—11 հափ., 14, գ. 7478, թ. 2, 164—164 հափ., գ. 7482, թ. 142—143 հափ., գ. 7326, թ. 1—11, գ. 7487, թ. 179, 185, գ. 7121, թ. 10—14 հափ., 20, 38, 145, գ. 7154, թ. 1, 9 և այլն:

³⁰ Նույն տեղում, գ. 7445, թ. 5—7, 35—37, ֆ. Ի-2, ց. 1, գ. 233, թ. 142—152:

³¹ Նույն տեղում, ֆ. Ի-1, ց. 2, գ. 7491, թ. 86—88, 103—107 հափ.:

Մերվի հայ վաճառականներ Կ. Ստդաթելովը, եղբայրներ Մ. և Դ. Մկրտիչները, Ս. Սարուխանովը, Կ. Ղարիբովը, Ն. Անտոնովը և ուրիշներ 1900 թ. հիմնադրեցին «Գյուղատնտեսական արդյունաբերության և առևտրի ընկերությունը», որը հետագայում վերակառուցվեց 50000 ռ. դրամագլխով ակցիոներական ընկերության: Բեջենում 1916 թ. գործում էր «Թեջենի գյուղատնտեսական ընկերությունը», որի կադմի մեջ էին մտնում տեղի հայ վաճառականներ ու արդյունաբերողներ Մ. Կոստանդովը, Ն. Տեր-Օհանովը, Ա. Օհանովը և Լ. Ասրյանցը³²:

Տեղական վարչությունը լայնորեն օգտագործում էր հայ վաճառականների շուկայի իմացությունն ու առևտրական փորձը: Շատ հայ վաճառականներ ու արդյունաբերողներ մասնակցում էին սլետական ու մասնավոր տարբեր հիմնարկությունների՝ բանկերի, հարկային հիմնարկների գործունեությանը³³:

Տնտեսական տարբեր հիմնարկությունների շրջանակներում հայերի գործունեությունը ոչ քիչ լավով նպաստում էր մարզի բնակչության մեջ առևտրական, արդյունաբերական և արհեստագործական գործունեության ունակությունների և, ընդհանրապես, տնտեսագիտական գիտելիքների տարածմանը: Մյուս կողմից, լինելով ցարական ռեժիմի հավատարիմ դաշնակիցը, Անդրերկասպայի հայ բուրժուազիան այդ հիմնարկություններն օգտագործում էր մարդի աշխատավորների (այդ թվում և հայ) ավելի սխտեմատիկ շահագործման համար:

Ռուսաստանին Թուրքմենիայի միացման կարևորագույն արդյունքը եղան հեղափոխական գաղափարների ներթափանցումը մարզ և հեղափոխական շարժման զարգացումը: Անդրկասպիայի հեղափոխական շարժման պատմության հատկապես սկյութական ժամանակաշրջանում մեծ դեր խաղացին Անդրկովկասի, ամենից առաջ Բաքվի, բոլշևիկյան կազմակերպությունները: Իշխանությունների կողմից արստոված կամ ՌՄԴԲԿ Բաքվի կոմիտեի կողմից մարզ ուղարկված ռուս, հայ, վրացի և այլ սոցիալ-դեմոկրատները սոցիալ-դեմոկրատական խմբերի ու կազմակերպությունների առաջին կազմակերպիչներն էին: Կովկասից բերվում էին անլեզալ գրականություն, գրքույկներ, թուղիկներ, տպատառեր և ընդհատակյա տպարանների այլ սարքավորումներ³⁴:

Մինչև 1900 թ. Անդրկասպիայում հեղափոխական շարժումները, հեղափոխական կազմակերպությունների բացակայության պատճառով, կրում էին գերազանցապես մեկուսի, տարերային բնույթ: Այդ ժամանակաշրջանում հեղափոխական շարժումներին հայ բնակչության մասնակցությունը սահմանափակվում էր նրա առանձին շերտերի դիպվածային հակակառավարական նյութներով: Այսպես, դեռևս 1881 թ. ղինվորների շրջանում միապետության դեմ պրոպագանդայի համար ձեռքակալվել էր երկաթուղու վարչության թարգմանիչ Բահրամովը: 1885 թ. Մերվում հայ վաճառականներ Մկրտիչի և Բոգատուրովի կրպակներում հայտնաբերվեցին գրաքննության կողմից արգելված տպագիր հրատարակություններ, ինչպես և «Մշակ» թերթի օրինակը: Բոգատուրովը մինչ այդ պատասխանատվության էր ենթարկվել «հայկական գաղտնի հեղափոխական ընկերության մասին» գործով: 1893 թ. Կիզիլ-Արվատում հայտնաբերվեց Արևմտյան Հայաստանում թուրքերի դեմ հայերի պայքարին օժանդակող հայ առևտրականների խումբ³⁵: Հայ ազգային գոր-

³² Նույն տեղում, գ. 7452, թ. 23, 31, 41, 48 և այլն, գ. 7492, թ. 13, 20, 23—24:

³³ Նույն տեղում, ֆ. Ի-2, ց. 1, գ. 16, թ. 4—13, գ. 29, թ. 3—7, 20, գ. 99, թ. 1—13 և այլն, գ. 223, թ. 144, ֆ. Ի-4, ց. 1, գ. 1, ֆ. 77, ֆ. Ի-1, ց. 2, գ. 6650, թ. 1—4, հակ., գ. 14478, թ. 142—143, 155—156, 172, 174—175, 191—192, ֆ. Ի-1, ց. 1, գ. 53, թ. 128—504, գ. 60, ֆ. 151—174 և այլն:

³⁴ «История Туркменской ССР», т. I, кн. 2, Ашхабад, 1957, с. 200.

³⁵ ԹՄՄՀ ՊԿԱ, ֆ. Ի-97, ց. 1, գ. 43, թ. 2, ֆ. Ի-1, ց. 2, գ. 136, թ. 6, գ. 10421, թ. 84, 10556, թ. 3—5:

ծիյնելու Անդրկասպիայում, ի դեմս խոշոր ու միջին հայ բուրժուազիայի, ունեին բավականին ամուր սոցիալական բազա և հետագա տարիներին մարզի հայ բնակչության մեջ ծավալեցին ակտիվ գործունեություն:

1890-ական թվականների կեսերին առևտրական հիմնարկների տերերի և գործակատարների միջև տարաձայնություններ ծագեցին կիրակի օրերին աշխատանքի սահմանափակման հարցի շուրջ: 1897 թ. մարտին ասիաբազայան գործակատարները, ճնշող մեծամասնությամբ հայեր, մարզի պետին համապատասխան խնդրագիր ներկայացրին. համանման բողոքով իշխանությունների դիմեցին նաև Կրասնովոդսկի հայ գործակատարները³⁶. Այդ ժամանակաշրջանում սոցիալական դժգոհությունն արտահայտվում էր հանրագրերի, բողոքների և գանգատների ձևով:

XX դ. սկզբին Ռուսաստանն ու Անդրկովկասն ընդգրկած հեղափոխական շարժման վերելքը դարձավ մարզում հեղափոխական շարժման զարգացման հոր խթան: Կազմակերպվում են հեղափոխականների ընդհատակյա առաջին խմբերը, տեղի են ունենում բանվորների ու ղեկապետների մի շարք ելույթներ³⁷. Դեյխտնական ելույթներից ամենախոշորը տեղի ունեցավ Թեջենի գավառի Սերխանի պրիստավությունում: Դրանում աչքի ընկնող դեր խաղաց Բ. Կոստանդովը, որը ղեկապետներին բացատրում էր իշխանությունների կողմից նրանց հողաշրջային իրավունքների սահմանափակման անօրինականությունը: Պահանջներով բնակչության փաստաթղթերում ասվում է, որ «հայ Բողոքան Կոստանդովը մարզում բնակություն է հաստատել վաղուց և վարչությանը հայտնի է որպես միանգամայն անբարեհույս մարդ»³⁸:

Անդրկասպիայում սոցիալ-դեմոկրատական առաջին խմբերն առաջացան 1903—1904 թթ. ՌՄԴԲԿ Ասիաբազայի կազմակերպությունը կազմվեց 1904 թ. աշնանը՝ լեհ Լ. Ստաբրովսկու միավորած խմբակների հիման վրա: Լ. Ստաբրովսկու խմբակը գերազանցապես բաղկացած էր ծառայողներից ու սովորողների տասարդությունից, որոնց մեջ կային շատ հայեր: Հետագայում Լ. Ստաբրովսկու, Ա. Խաչիյանցի և մյուսների գործով դատավարության ժամանակ վկաններից մեկը ցուցմունք տվեց, որ «Լ. Ստաբրովսկին... չժանոթանալով իր ծառայակիցների հետ, ծանոթություն էր հաստատում միայն հայերի հետ»: Սկզբնական շրջանում խմբակում գերակշռում էին էսէռական գաղափարները, բայց բազմեցի փորձված բոլշևիկ Ա. Խաչիյանցի Ասիաբազ գալուց հետո կազմակերպությունը կանգնեց սոցիալ-դեմոկրատական դիրքերի վրա³⁹. Ա. Խաչիյանցի բնակարանում նա և Լ. Ստաբրովսկին պարապմունքներ էին անցկացնում սոցիալ-դեմոկրատական հարցերի շուրջը, կազմակերպության անդամներին ծանոթացնում էին մարքսիստական գրականությանը⁴⁰:

Իր գործունեության արդեն առաջին շրջանում Ասիաբազայի սոցիալ-դեմոկրատական խմբակն ազգային հարցի վերաբերյալ ճիշտ դիրք էր բռնել: «Մեզ սոցիալիստներին,— ասվում էր Ասիաբազայի հեղափոխականների թուղցիկներից մեկում,— բոլոր ժողովուրդների աշխատավորների շահերը միանման

³⁶ Նույն տեղում, ֆ. Ի-1, ց. 2, գ. 14489, ք. 1—9:

³⁷ «История Туркменской ССР», т. I, кн. 2, с. 201.

³⁸ «Проникновение революционных идей и развитие революционного движения в Туркменистане в 1881—1907 гг.». Сборник архивных документов и материалов (далее — «Революционное движение в Туркменистане в 1881—1907 гг.»), Ашхабад. 1962. с. 11—12, 38.

³⁹ А. А. Росляков, Революционное движение и социал-демократические организации в Туркменистане в дооктябрьский период (1900—1917), Ашхабад, 1957, с. 41—42; А. Мелкумов, Материалы революционного движения в Туркмении, Ашхабад, 1924, с. 6, «Очерки истории Коммунистической партии Туркменистана», Ашхабад, 1961, с. 28.

⁴⁰ «Начало революционного движения в Туркмении в 1900—1905 гг.», кн. 2, Ашхабад-Москва, 1946, с. 55, 58, 61.

թանկ են: Մենք պետք է բողոքարկենք և՛ ռուսների, և՛ հայերի, և՛ վրացիների, և՛ բաքվեցիների, և՛ պարսիկների ճնշումը: Առանց ազգության ու հավատի տարբերությունների՝ բոլոր ճնշվածներին մենք պետք է ըստ հնարավորության օգնենք և՛ խոսքով, և՛ գործով: Բայց մեզ հատկապես թանկ են հարուստ կապիտալիստների համար հարկադրաբար աշխատող աշխատավոր բանվոր դասակարգի շահերը»⁴¹:

1905—1907 թթ. հեղափոխությունն Անդրկասպիայում լայն արձագանք գտավ: Անդրկասպիայի հայերը ռուսների, վրացիների, հրեաների և մյուս ազգությունների ներկայացուցիչների հետ ակտիվորեն մասնակցեցին այդ ժամանակաշրջանի հեղափոխական ելույթներին: Ներքին նահանգներում և Անդրկովկասում հուլիսյան ռուսակարգությունները հատկապես նպաստեցին այն բանին, որ Անդրկասպյան մարզը, հատկապես Ասխաբադը, աստիճանաբար վերաձվեց Բաքվի հանցագործ (հեղափոխական—Վ. Գ.) ընկերությունների հետ մշտական և ակնհերձաբար սխտեմատիկ շփումների մեջ գտնվող հայ, հրեա և մասամբ ռուս հեղափոխականների գործունեության խոշոր և անպայման վտանգավոր կենտրոնի»⁴²,— ասված է ռադիկալ մինիստրին 1905 թ. հուլիսի 16-ին Թուրքեստանի գեներալ-նահանգապետի հղած զեկուցագրում:

Լայնորեն տարածվում էին հայերեն, ռուսերեն և վրացերեն լեզուներով կովկասյան անլեզալ հրատարակությունները: Դրանց տարածմանն ակտիվորեն մասնակցում էին հայ հեղափոխականները: Այսպես, օրինակ, 1905 թ. մայիսին Ասխաբադում մատնագրի պատճառով ձերբակալվեցին Համայակ ու Հովհաննես Մեքիե եղբայրները և Արսեն Հայրապետյանցը, որոնց մոտ խուզարկության ժամանակ հայտնաբերվեց ռուսերեն, հայերեն և վրացերեն լեզուներով հրատարակված հակակառավարական բովանդակությամբ 1132 օրինակ թուղթիկ ու գրքուկ: ՌՄԴԲԿ Ասխաբադի կոմիտեն այդ առթիվ տարածեց հայտարարություն, որն անարգում էր մատնությունը և կոչ անում տապալել ինքնակալությունը⁴³, 1905 թ. հուլիսի 4-ին Թուրքմենիստանում տեղի ունեցավ առաջին մասսայական քաղաքական ցույցը. դրան առիթ ծառայեց Ասխաբադի սոցիալ-դեմոկրատների դեռ բոլորովին երիտասարդ ղեկավար Լ. Ստաբրովսկու մահը բանտում: Լ. Ստաբրովսկու թաղմանը մասնակցեցին ոչ պակաս 500 հայ ընտանիքներ և բազմաթիվ հայ երիտասարդներ⁴⁴: Այդ ցույցն իշխանությունների անակնկալի բերեց: Գեներալ-նահանգապետ Տեյշովն այն անվանեց «իշխանության... բացահայտ և անպատիժ անվանարկում»: Փորձելով հանգստացնել գեներալ-նահանգապետին, մարզի պետ Դանիլովիչը ձգտում էր տեղի սոցիալ-դեմոկրատների գործունեությունը ներկայացնել մասսայական բանվորական շարժումից կտրված: «Երիտասարդ... հայերի, հրեաների ցույցերը,— գրում էր նա,— երկաթուղային բանվորների շարժման հետ ոչ մի ընդհանուր բան չունեն. վերջինները խնդրում են տարբեր տեսակի արտոնություններ և աշխատավարձի բարձրացում, իսկ առաջին կուսակցությունը գործում է Բաքվի հեղափոխական կոմիտեի և ներքին Ռուսաստանի ու Կովկասի նույնպիսի կոմիտեների ցուցումով: Վերջին ժամանակներս հատկապես շատ են եկել Բաքվի հայեր»: Դրա հետ միասին վստահություն հայտնելով, որ «օրեցօր հակակառավարական ցույցերն ու անկարգությունները պետք է ուժեղանան» և գեներալ-նահանգապետին նախազգուշացնելով,

⁴¹ Նույն տեղում, էջ 11:

⁴² «Революционное движение в Туркменистане в 1881—1907 гг.», с. 97.

⁴³ Նույն տեղում, էջ 69—70, 78, 81—82 (ՌՄԴԲԿ Ասխաբադի կոմիտեն կազմակերպվել էր 1905 թ. մարտին («Очерки истории Коммунистической партии Туркменистана», с. 25):

⁴⁴ «Революционное движение в Туркменистане в 1881—1907 гг.», с. 87—88, 91.

որ «քաղաքի հայկական ու մահմեդական ամբողջ բնակչությունը զլիսովին դինված է Կովկասում ձևափոխված հրաձիգ զենքով», Դանիլովիչը թախանձադին խնդրում էր մարդից աքսորել ակտիվ հեղափոխական-պրոպագանդիստներին և հեղափոխականներին հետևելու համար կազմակերպել հատուկ հետախուզական բյուրո⁴⁵։ Հուլիսյան ցույցից հետո Անդրկասպյան մարզը հայտարարվեց ուժեղացված պահպանության դրությամբ մեջ, սկսվեցին ձերբակալություններն ու աքսորները։

1905 թ. համառուսաստանյան քաղաքական գործադուլի ազդեցության տակ Թուրքմենիստանում ծավալվեց երկաթուղայինների գործադուլային շարժումը։ Բռնկված համահեղափոխական վերելքով՝ պայքարի մեջ մտան դրպրոցներն ու գիմնադիաների սովորողները, գործակատարները և մանր առևտրականները, որոնց մեջ կային շատ հայեր։ Մարդի պետին ուղղված անասնուն մատնագրում հատկապես նշվում էր «բռնատարարների ղեկավար» Նեստերովի և «հայկական կոմիտեից մարդու» դերը։ «Վերջինս, — մատնագրի հեղինակի խոսքերով ասած, — բոլոր հայերին նոյեմբերի 17-ին հավաքել է հայկական ժողովի (խոսքը «Ասխաբադի հասարակական ժողովի» մասին է — Վ. Գ.), որտեղ շատ վատ է արտահայտվել մեր կայսեր հասցեին...»։ Հայկական ընկերությունը հավաքելով 1000 ռուբլի, այն բաժանել է պետական ճանապարհների և փոստի շարժումը կասեցնող գործադուլավորներին՝ խոստանալով նրանց օգնել դրամով, հրացաններով և ռումբերով...»⁴⁶։

Բանվորական շարժումից մի կողմ շինացիներն անգամ հայ առևտրականները։ Կրասնովոդսկում, օրինակ, գավառային պետի հաղորդման համաձայն հայ առևտրականները գործադուլը երկարաձգելու համար նյութական օգնություն են առաջարկել գործադուլավորներին⁴⁷։

Ռեակցիայի հարձակումով իշխանությունները ձեռնամուխ եղան բնակչությունից զենքի անհապաղ բռնագրավմանը։ Կարգադրվել էր խուզարկությունների ժամանակ հատուկ ուշադրություն դարձնել հրեաներին, հայերին և երկաթուղային ծառայողներին։ Խուզարկությունները ցույց տվեցին, որ շատ հայեր հենին զենք ու զինամթերք, որի համար ենթարկվեցին տուգանքների ու ձերբակալությունների⁴⁸։ 1907 թ. հունիսի 3-ի հակահեղափոխական հեղաշրջումը նշանավորեց առաջին համառուսաստանյան հեղափոխության ավարտը։ Զգվեցին ռեակցիայի, արյունոտ տեռորի և ոստիկանական կամայականությունների մոռյլ տարիները։ Այդ ժամանակաշրջանի հեղափոխական աշխատանքներին ակտիվորեն մասնակցում էր Ա. Զուրաբովը⁴⁹։ Նա 1905 թ. մահում էր ՌՍԴԲԿ Տաշքենդի խմբի մեջ։ Այդ ժամանակ ՌՍԴԲԿ կովկասյան միությունը միջոցով հաստատվեց խմբի կապը «Պրոլետարի» թերթի խմբագրության հետ⁵⁰։ 1906 թ. մարտին Ա. Զուրաբովը Ասխաբադի հեծանվորդների

⁴⁵ Նույն տեղում, էջ 90, 95։

⁴⁶ ԹՍՍՀ ՊԿԱ, ֆ. Ի-1, ց. 2, գ. 3523, թ. 11, 16, 18։

⁴⁷ Նույն տեղում, ֆ. Ի-17, ց. 1, գ. 366, թ. 416—419։

⁴⁸ Նույն տեղում, ֆ. Ի-1, ց. 2, գ. 7599, թ. 11, 24—26, գ. 258, թ. 23—24, 52, 54, 92, 256 և այլն, ֆ. Ի-15, ց. 1, գ. 135, թ. 2—3, «Асхабад», 15. III, 1906, с. 2 և այլն։

⁴⁹ «Հիշյալ Զուրաբովը, — ասված է 1905 թ. փետրվարի 4-ին Թուրքմենիստանի զենեքային հանգամանքներին ուղղված ղեկուցում, — դեռ անցյալ տարի... Թիֆլիսում գտնված ժամանակ հանդիսանում էր «մսկրայի» կազմակերպության ներկայացուցիչը, որը նպատակ ունենալով կազմակերպել ռազմահեղափոխական խմբեր, հարաբերություններ է հաստատել սպաների և հայտնի հեղափոխական գործիչների հետ, որոնց կապեր ունեն արտասահմանյան հեղափոխականների հետ» («Начало революционного движения в Туркмении в 1900—1905 гг.», кн. 2, с. 74)։ Տեքստում բերված փաստաթղթերը թույլ են տալիս ենթադրել, որ ամենուր խոսքը պրոֆեսիոնալ հեղափոխական Ա. Զուրաբովի մասին է, որն անձնական կապեր ուներ Վ. Ի. Լենինի և Ստ. Շահումյանի հետ։

⁵⁰ «История коммунистических организации Средней Азии», Ташкент. 1967, с. 54—55 (Ա. Զուրաբովը ՌՍԴԲԿ Տաշքենդի կազմակերպությունից կուսակցության IV համագումարի Լուսին 8—3

ակումբում հանդես եկավ «Տնտեսական հարաբերությունների էվոլյուցիայի մասին» հրապարակային դասախոսությամբ: Միջինասիական ժանդարմական ոստիկանության տեղեկությունների համաձայն «լեռնային ինստիտուտի ուսանող Զուրաբովը» եղել է 1907 թ. մայիսին Ասխաբադում լայնորեն տարածված հեղափոխական բովանդակությամբ թուղթիկների հեղինակը: Աղմիսիտության խոսքերով ասած, 1907 թ. հունիսին տեղի հեղափոխական խմբի գլուխ կանգնած 11 մարդկանց շարքում հիշատակվում է նաև «ուսանող Զուրաբովը»: Շուտով այդ ցուցակում հիշատակված համարյա բոլոր հեղափոխականները ձերբակալվեցին, սակայն Ա. Զուրաբովին հաջողվեց թաքնվել: Նույն թվականի օգոստոսին Թուրքմենիստանի ղեներալ-նահանգապետը խնդրեց ձեռք առնել ամենաեռանդուն միջոցները՝ բանտարկությունից խույս տված Ա. Զուրաբովին փնտրելու համար: Ժանդարմական ոստիկանության տեղեկությունների համաձայն 1907 թ. սեպտեմբերին «ուսանող Զուրաբովը... նախագահել է մարզային կոմիտեի գաղտնի նիստերում»⁵¹ և օգտվելով որպես տեղական գիմնազիայի նախկին սանի Ասխաբադում ունեցած իր լայն ծանոթությունից, հատուկ ագիտացիա է մղել գիմնազիականների շրջանում»⁵²:

Զդադարող բռնությունների, ձերբակալությունների և աքսորների հետևանքով Անդրկասպիայի սոցիալ-դեմոկրատական կադմակերպությունը թուլացավ: Դա հանգեցրեց Անդրկասպիայի ազգայնական և մանրբուրժուական կադմակերպությունների ազդեցության ուժեղացմանը: Ակտիվացավ էսէռների գործունեությունը, ուժեղացավ ազգայնական պրոպագանդան⁵³: Աշխուժացավ նաև հայ ազգային գործիչների գործունեությունը. 1905—1906 թթ. առաջադաս դաշնակցության և հնչակյանների տեղական կադմակերպությունները⁵⁴: Նրանց գործունեությունն ուժեղացավ հատկապես 1907 թ. սկսած: Կուսակցության համար միջոցներ հավաքելու նպատակով նրանք դիմում էին ահաբեկման և սպառնալիքի: Օրինակ, 1907 թ. ապրիլին Մերվում ձերբակալվեց հայ ահաբեկիչ Ա. Աղամալյանը, որին դաշնակցության գաղտնի ընկերությունը լիազորել էր բռնության սարսափի տակ դրամ կորզել հարուստ հայերից⁵⁵: 1907 թ. նոյեմբերին Մերվում լայնորեն տարածվեցին սպառնալի նամակներ, որոնցում հարուստներից դրամ էր պահանջվում⁵⁶: Հայկական ազգային կադմակերպություններ 1908 թ. գոյություն ունեին Ասխաբադում⁵⁷: Արխիվներում մեզ հաջողվեց հայտնաբերել փաստաթղթեր, որոնք վկայում են դաշնակցությանն առանձին հայերի պատկանելությունը նաև հետագա տարիներին⁵⁸:

Ակտիվ էին գործում նաև հնչակյանները: Բալասանյանցի հիշողությունների համաձայն 1906—1909 թթ. հնչակյանների ասխաբադյան կադմակերպության ղեկավարությունն իրագործվում էր Բաքվից՝ այդ կուսակցության Կենտկոմի անդամ Ֆ. Ֆարմազյանի (Մ. Սարգսյանց) կողմից: 1908 թ. Ասխաբա-

պատգամավոր էր, առաջին համագումարի, որին մասնակցեց Թուրքմենիստանյան կադմակերպության ներկայացուցիչը (А. Рослянов, Ելվ. աշխ., էջ 149):

⁵¹ Խոսքը 1907 թ. փետրվարին ստեղծված ՌՍԴԲԿ մարզային կոմիտեի մասին է («Очерки истории коммунистической партии Туркменистана», с. 43—44):

⁵² «Асхабад», 21. III, 1906, с. 1, ԹՄՄՁ ՊԿԱ, ֆ. Ի-1, ց. 2, գ. 184, թ. 24, գ. 269, թ. 9, գ. 274, թ. 12, գ. 274, թ. 107 և հալ.:

⁵³ 1907 թ. մայիսին էսէռները սպանեցին միջինասիական երկաթուղու պետ ղեներալ Ուլյանինի: Առավել խոշոր ոճնգրկումը 1908 թ. Զարբուլի գանձառան կողոպուտն էր («Очерки истории Коммунистической партии Туркменистана», с. 51. «История Туркменской ССР», т. 1, кн. 2, с. 397): Պանիսլամիստական պրոպագանդայի մասին տե՛ս ԹՄՄՁ ՊԿԱ, ֆ. Ի-1, թ. 2, գ. 16000:

⁵⁴ «Очерки истории Коммунистической партии Туркменистана», с. 51.

⁵⁵ ԹՄՄՁ ՊԿԱ, ֆ. Ի-1, ց. 2, գ. 262, թ. 1:

⁵⁶ Նույն տեղում, գ. 251, թ. 4:

⁵⁷ Նույն տեղում, գ. 865, թ. 230:

⁵⁸ Նույն տեղում, գ. 858, թ. 23, գ. 865, թ. 330, գ. 915, թ. 171, 175 և այլն:

դում աշխատում էին հնչակյաններ Ե. Վարդանյանը, Ղ. Խաչատուրյանը, Կ. Մելքումովը, Կ. Սարգսյանցը և ուրիշներ⁵⁹:

1910 թ. մարտի 22-ին Ասիաբազում ձերբակալվեց Կ. Սաֆարյանցը: Նրանից բռնագրավված փաստաթղթերի ու նամակների հիման վրա պահանջարկները պարզեց, որ նա հնչակյան կուսակցության լիազոր ներկայացուցիչն է Անդրկասպիայում, որտեղ պրոպագանդա էր մղում, այդ կուսակցության անդամներին մատակարարում էր ղեկը ու ղինամթերք, կազմակերպել էր «Երիտասարդ խմբի» բաժանմունք, որի մեջ էին մտնում Գ. Սաֆարյանցը, Գ. Ալխասյանցը, Թ. Խոսրովյանցը, Ս. Սարգսյանցը, Հ. Փանոսյանցը և ուրիշներ⁶⁰: Հեղափոխական նոր վերելքի տարիներին հնչակյանների մի մասը հարեց բուլղակներին⁶¹:

Հեղափոխական նոր վերելքի ժամանակաշրջանում Թուրքմենիստանում ուժեղացան բանվորական շարժումները, հուզումները զորքերում և թուրքմեն դեյխանության ելույթները⁶²: Այդ ժամանակ բուլղակյան ուժեղ խումբ կազմավորվեց Չելեքեն կղզու նավթահանքերում: Բաքվի բուլղակների հետ սերտորեն կապված այդ խմբի մեջ էին մտնում Ի. Ֆիդուխովը, Ս. Ռեշտինը, Ն. Աղամալյանցը, Մ. Քալանթարյանը և ուրիշներ: 1913—1914 թթ. այդ խմբին հաջողվեց նավթահանքերում մի շարք գործադուլներ կազմակերպել: Այդ գործադուլների կազմակերպիչներից ու ակտիվ մասնակիցներից էին Գ. Գալուստյանցը, Գաբրիելյանցը և Ն. Աղամալյանցը: Ասիաբազի սոցիալ-դեմոկրատներին հայտնի են Պետերբուրգի համալսարանի ուսանող Վ. Դավթյանցը և «Ջալասպիյսկոյե օբազրենիե» թերթի էջակա Ա. Ֆորմոզովը⁶³: Այդ ժամանակ Ասիաբազում ձևավորվում է «ԽՍՀ(Բ)» խումբ՝ հանձին Ահարոնովի, Ժիտնիկովի, Ստեփանյանցի, Գ. Հարությունովի և ուրիշների», որին միանում են նախկին հնչակյաններ Ա. Նոյազարովը, Գ. Խաչատուրյանը, Ե. Վարդանյանը, Գ. Մելքումյանը և Ա. Աղայանը⁶⁴:

Անդրկասպիայի հայերը հեղափոխական շարժման ակտիվորեն մասնակցում են նաև հետագա տարիներին՝ Փետրվարյան բուրժուադեմոկրատական և Հոկտեմբերյան սոցիալիստական մեծ հեղափոխության ժամանակաշրջանում: Սիմոնյանցը, Տոնիյանցը, Տեր-Մովսեսովը, Միրզախանովը և Առուստյանցը 1917 թ. սեպտեմբերին մտան գործարանային բանվորների Մերվի սովետի գործկոմի կազմի, իսկ 1918 թ. մայիսին Ռ. Ղազարոսյանը, Մ. Տեր-Ստեփանյանցը, Գ. Խաչատուրյանը և Գ. Առուստամյանը՝ Ասիաբազի ժամանակավոր հեղափոխական կոմիտեի կազմի մեջ, որը ստեղծվել էր բանվորների, զինվորների, գյուղացիների և թուրքմեն պատգամավորների սովետների VII համագումարի կողմից՝ Ասիաբազի էսէռամենշևիկյան սովետի արձակումից հետո⁶⁵:

Անդրկասպիայի հայ աշխատավորության առաջադեմ խավերն Անդրկասպիայի էսէռամենշևիկյան կառավարության դեմ հանդես էին գալիս ուսուցանող դասակարգի և թուրքմեն դեյխանության հետ համատեղ: Իսկ հայ խոշոր և միջին առևտրական ու արդյունաբերական բուրժուազիան բացա-

⁵⁹ «Революционное движение в Туркмении в 1908—1917 гг.», кн. 4, Ашхабад-Москва, 1946, с. 43.

⁶⁰ Նույն տեղում, էջ 41—42:

⁶¹ Նույն տեղում, էջ 43:

⁶² «История Туркменской ССР», т. 1, кн. 2, с. 337—348.

⁶³ «Революционное движение в Туркменистане в 1907—1917 гг.», Ашхабад, 1970, с. 187—189, 208—209, 212—213, 222—224, 226—228, 229—231, 235.

⁶⁴ «Начало революционного движения в Туркмении в 1908—1917 гг.», кн. 4, с. 43—44.

⁶⁵ Նույն տեղում, էջ 155, 182, 183, 197:

հայտորեն հարել էր հակահեղափոխության ճամբարին: Այսպես «Համառոտական առևտրաարդյունաբերական միության» Ասխաբադի կոմիտեի 1917 թ. մարտի 31-ի նիստում, որն ընթացավ հայազգի Յա. Սարգիսբեկովի նախագահությամբ, շարադրվեց ժամանակավոր կառավարությանը պաշտպանող և դասակարգային հաշտություն քարոզող ծրագիր⁶⁶: Այդ ժամանակաշրջանում վերջնականապես ռեակցիայի ճամբարը գլորվեցին հայ բուրժուական գործիչները և էսէռների կուսակցության անդամներ⁶⁷: «Մենք», պրոլետարներս, — գրել է Վ. Ի. Լենինն ազգային հարցում բուրժուազիայի տակտիկայի մասին, — տասնյակ անգամ տեսել ենք, թե ինչպես բուրժուազիան դավաճանում է ազատության, հայրենիքի, լեզվի և ազգի շահերին, երբ նրա դեմ կանդնում է հեղափոխական պրոլետարիատը»⁶⁸:

Այսպիսով, Անդրկասպիայի հայ բնակչությունն ակտիվ մասնակցություն ունեցավ մարդի հասարակական-քաղաքական կյանքին: Նրա հասարակական-քաղաքական և մշակութային զարգացումը սերտորեն կապված էր ինչպես բնիկ թուրքմեն, այնպես էլ եկվոր ռուս, պարսիկ, ադրբեջանցի և այլ բնակչության տնտեսական, մշակութային ու քաղաքական զարգացման հետ:

ОБЩЕСТВЕННО-ПОЛИТИЧЕСКАЯ ЖИЗНЬ АРМЯН В ЗАКАСПИЙСКОМ КРАЕ (1881—1917)

ВЛАДИМИР ГРИГОРЬЯНЦ

Резюме

Армянское население Закаспия принимало активное участие в общественно-политической жизни области. Сохраняя свой национальный облик и образ жизни, традиции и обычаи, быт и нравы не утратив своих связей с родиной, оно вместе с русским, туркменским, азербайджанским и прочим населением участвовало в формировании межнациональных общественных связей, сыграв по существу роль посредника в процессе преодоления национальных, культурно-исторических, религиозных и прочих барьеров, разделявших европейское и мусульманское население области. Трудящиеся слои армянского населения вместе с русским железнодорожным пролетариатом и туркменским дайханством активно участвовали в революционном движении.

⁶⁶ «Асхабад», 22. IV. 1917, с. 4.

⁶⁷ «История Туркменской ССР», т. 2, Ашхабад, 1957, с. 95—96.

⁶⁸ Վ. Ի. Լենին, Նիժ, հ. 7, էջ 304.